



Lëk cë bεrpiny de tekpiny ë wäl de gël ë COVID-19

Pei ë nïn 17 pei ë dhetem ë run ë 2021

Koc dit ke kä ke pial ë wëi (Medical experts) de Australia ayiki luæl ëmanë ye bë wäl de Pfizer de gël ë COVID-19 bë ya lööm ë koc kën run ya 60. Lëk thæer de kä ke pial ë wëi (medical advice) ee ye bë wäl de Pfizer de gël ë tuaany bë ya gäm koc kën ya run ke 50.

Yen ë lëk cë bεrpinyë ee tæuë në wët jöt cë yök ke nɔɔj kë wën cie rot ye dac looi yenë duör ë riem kou rot dac looi kenë kan nyic ë nɔɔj koc ye run 50-59. Yen ë tuany ye riem duörë aye cɔl thrombosis with thrombocytopenia syndrome, ka TTS.

Wäl de AstraZeneca de gël ë tuaany abë ya yiën koc nɔɔj run ke 60 leer tueɔj. Të nɔɔj koc ye run 60 leer tueɔj, käpiæsth ke tuöm ë wäl de gël ë tuaany awër käræc ke TTS.

Ba rot cɔk wum ë wäl de gël ë tuaany adhiæc ke ye dhël thiekic wën yenë tuaany dīt ka thuɔɔu ye COVID-19 bëi gël. Millions juiëc ke koc tō në pinynhom aa wäl ken ke gël ë tuaany lööm ke cïn käræc cë rot luõi kek.

Koc cë wuum tueɔj den de wäl ë AstraZeneca de gël ë COVID-19 lööm ke cïn käræc dīt cë tuöl aye yök bik dhic keke lööm wuum den de rou. Èkënë anɔɔj koc kën naɔj run ke 60.

Ba rot cɔk wum ë tuöm dun de rou yenë ke yïn yiën gël wën yïn rot tiit ë tuany dīt ye COVID-19 bëi. Naa cë yïn wum ë tuöm tueɔj ke yïn loi aruɔj bïn tuöm dun de rou lööm.

Clinics ke Akuma ke tuöm ë wäl de gël tuaany wën tō keke ye gæm ë wäl de Pfizer abë gël ë lantɔɔtëi bik koc nɔɔj run ke 50-59 ya gam bike yiën wäl de Pfizer.

Koc tō në Australia alëu bik ya gam ke cïn dak ë piou man nadë ke koc dīt kuon ke kä ke pial ë wëi adhiæc keke ye kë cë yök ku kä tō caaric kä ke tënë ku kä ke piiny kök. Koc aye yök man nadë ke raan ëbën nɔɔj yic (nyin) bë rot cɔk wum ë wäl de gël ë COVID-19.

Ago aruk de tuöm ë wäl de gël tuaany looi nem **health.gov.au**

Yök de lëk juækë/juiëc

Naa nɔɔj kë kɔr ba thiëc në biäk de wal ke gël ë COVID-19, ke yïn jaamë ke akimdu, lɔɔr në **www.health.gov.au/covid19-vaccines-languages**, ka cɔl namba de baai ëbën de Coronavirus (National Coronavirus Helpline) në **1800 020 080**. Në kuɔɔny de wæër ë yic de kë cë gōör ku wæër ë thok, cɔl **131 450**.